

# Progreso - 4a yaro.pdf/40



Exported from Wikisource on November 15, 2024

This page has been proofread.

8

PROGRESO

**bliko** nesavanta, la severa uneso e netuchebleso di lia linguo ; ma interne li esas tote dividita, ton ni savas bone, e li reale violacas e destruktas la *Fundamento*, quan li simulas konservar ed adorar. Nia uneso esas altraspeca : ol ne esas ligita ad un homo o ad un libro ; ol ne esas uneso rigida e fixa, ma uneso vivanta e movebla. Ma ol mustas tamen esar uneso, tante plu yuste e strikte, ke ol ne impedas la movo e la progreso. Singlu darfes expresar sua opiniono e prizentar sua propozo. Omna ta propozi esas diskutata, unesme hike, publike, duesme en l' Akademio. L' Akademio decidas pri oli per voto, ofte per plura voti. Kompreneble, sa decidi ne povas kontentigar omna diversa o mem kontrala opiniono. Ma, se singlu darfes konservar sua opiniono e preferar ol interne a ta di l' Akademio, omni devas aceptar e sequar la decidi di l' Akademio. Nam on elektis ol nur por to ipsa, nome, por definar la komuna linguo. Ol povas erorar, segun la judiko di singlu ; ma on devas tamen sequar ol, nam nulu darfes pozar sua propra judiko super l' autoritato komune aceptita. Quon valorus autoritato, quan singlu aceptus e sequus *nur* se e kande ol decidus konforme lua propra opiniono ? Ol cesus existir, e l' uneso anke.

Pro ta motivi, la decidi di l' Akademio devas pozar fino a la diskuti pri singla questiono ; nam altre, on povus e devus diskutar senfine la sama questiono, ed on ne povus avancar. Or ni ne diskutas por diskutar, ma por decidir. Ni ne esas

diletanti, ni ne konsideras la L.I. quale sporto o ludo, malgre la kalumnii di nia adversi. Ni ne pretendas esar neeroriva, e konseque ni ne proklamas nia verko kom netuchebla ; ni ne interdiktas a ni la yuro emendar ol, se to aparos necesa ; ma ni ne permisas a singli korektigar ol per sua privata autoritato, nam to esus, ne *progreso*, ma dissolvo<sup>[1]</sup>.

L. COUTURAT.

---

---

# LINGUALA QUESTIONI

En ica N<sup>o</sup> klozasas la diskuti pri : s vice z ; l'indiko di la sexui ; la pluralo di l'adjektivi ; la nomi di instrumenti ; la geografiala nomi ; la sentempa verbala formi ; la prepozicio *an*, e la vorti propozita til N<sup>o</sup> 34. Konseque, ni mustas ajornar multa artikli pri la cetera questioni.

1. <sup>↑</sup> On riprochis a ni, ke, ne aceptante artikli qui volas diskutar la decidi di l'Akademio, ni insertas artikli, qui defensas oli. To esas tamen facile komprenebla ! Ni havas la yuro e mem la devo explikar e justifikar la

decidi di l' Akademies, konocigante segun bezono la motivi qui determinis oli, e responder a la kritiki quin on povas facar pri li exter la Idisti. Nulu povas serioze postular, ke ni restez *senpartia* e *neutra* inter la decidi di l' Akademies e ti qui kritikis oli !

# About this digital edition

This e-book comes from the online library [Wikisource](https://wikisource.org)<sup>[1]</sup>. This multilingual digital library, built by volunteers, is committed to developing a free accessible collection of publications of every kind: novels, poems, magazines, letters...

We distribute our books for free, starting from works not copyrighted or published under a free license. You are free to use our e-books for any purpose (including commercial exploitation), under the terms of the [Creative Commons Attribution-ShareAlike 3.0 Unported](https://creativecommons.org/licenses/by-sa/3.0/)<sup>[2]</sup> license or, at your choice, those of the [GNU FDL](https://www.gnu.org/licenses/fdl.html)<sup>[3]</sup>.

Wikisource is constantly looking for new members. During the realization of this book, it's possible that we made some errors. You can report them at [this page](#)<sup>[4]</sup>.

The following users contributed to this book:

- Rosacentifolia

---

1. [↑ https://wikisource.org](https://wikisource.org)

2. [↑ https://www.creativecommons.org/licenses/by-sa/3.0](https://www.creativecommons.org/licenses/by-sa/3.0)
3. [↑ https://www.gnu.org/copyleft/fdl.html](https://www.gnu.org/copyleft/fdl.html)
4. [↑ https://wikisource.org/wiki/Wikisource:Scriptorium](https://wikisource.org/wiki/Wikisource:Scriptorium)